

ZAHTJEV ZA OSLOBAĐANJE PLAVŠIĆEVE

Author: IWPR

Piše: Katherine Boyle iz Haga (TU br. 474, 27. oktobar 2006.)

Ministarstvo inostranih poslova Švedske potvrdilo je 24. oktobra da je zahtjev za oslobađenje Plavšićeve stigao, ali nije otkrilo ko ga je uputio.

Švedska novinska agencija TT javila je ove sedmice da je zahtjev stigao u Pricinom pismu od 6. septembra, te da se u njemu – uz napomenu da joj je zdravlje narušeno i da se radi o osobi u poodmakloj dobi – traži da Plavšićeva, „zbog ljudskog razumijevanja i sažaljenja“, bude oslobođena iz zatvora Hinseberg.

Plavšićeva (76) se trenutno nalazi na odsluženju jedanaestogodišnje kazne koju su joj u decembru 2002. sudije Haškog tribunala izrekle zbog učešća u zločinima koji su tokom rata (1991-1995.) počinjeni nad Bošnjacima i Hrvatima u Bosni.

Navodno je Prica hinseberške uslove opisao kao gore od onih u Hagu, gde je Plavšićeva boravila nakon što se 2001. predala Tribunalu za Jugoslaviju.

Prica je bivši kolega Plavšićeve, koji je u periodu od 1996. do 1998. – u vrijeme kada je ona bila predsjednica Republike Srpske (RS) – bio i njen šef kabineta.

Portparol ministarstva pravosuđa, Rikard Vesman (Rickard Wessman) rekao je novinarima da je zahtjev za oslobađanje Plavšićeve procesuiran.

Međutim, bosanski ministar vanjskih poslova poriče da je pismo upućeno iz njegovog kabineta.

„Bosanski ambasador pri Ujedinjenim nacijama u Njujorku, Miloš Prica, u zahtjevu koji je uputio nije koristio bosanske državne simbole, niti se pozvao na svoju funkciju“, navodi se u zvaničnom saopštenju ministarstva.

Zvanična predstavница Hinseberga, Brit-Mari Johanson (Britt-Marie Johansson), izjasnila se pozitivno o zatvorskim uslovima, rekavši novinskoj agenciji Asošijeted Pres (Associated Press) da Plavšićeva boravi u „novoizgrađenoj smeštajnoj jedinici, koja u svakoj sobi ima toalet i tuš“.

Dodala je i da je zatvorenicama dozvoljeno da sat i po dnevno provedu u hinseberškom parku pored jezera.

Jedan istaknuti švedski stručnjak za međunarodno pravo izjavio je za švedske Radio novosti da bi oslobađanje Plavšićeve nakon odsluženja svega tri godine zatvorske kazne, moglo „ugroziti saradnju sa međunarodnim tribunalima“.

Plavšićeva je jedina žena koja je u Haškom tribunalu osuđena za ratne zločine, a poznata je i kao bliska saradnica bivšeg predsjednika parlamenta bosanskih Srba, Momčila Krajišnika, kome je nedavno izrečena

zatvorska kazna za ratne zločine u trajanju od 27 godina.

Takođe je bila i bliska saradnica zloglasnog lidera bosanskih Srba i osumnjičenika za ratne zločine, Radovana Karadžića, koji se nalazi na slobodi otkako je pred haškim sudom optužen u novembru 1995.

2002. godine, Plavšićeva je krivicu priznala po jednoj tački optužnice, za progone na političkoj, rasnoj i vjerskoj osnovi, kao zločin protiv čovečnosti.

U švedski Hinseberg, na odsluženje jedanaestogodišnje zatvorske kazne, prebačena je u junu 2003.

Katherine Boyle izvještava za IWPR iz Haga.

Topic: Briefly Noted

Source URL: <https://iwpr.net/sr/global-voices/zahtjev-za-osloba%C4%91anje-plav%C5%A1i%C4%87eve>